

ՏԱՐԵԼԻՑ

«ՄԵՆՔ ԿՎԱՐԵՆՔ ԽԵԼԱՄԻՏ, ՍԱԿԱՅՆ ՍԿԶԻՈՒՆՔԱՅԻՆ ՔԱՂԱՔԱԿԱՆՈՒԹՅՈՒՆ»

ՅՈԹ ՏԱՐԻ՝ ՕԳՈՍՏՈՍՅԱՆ ՊԱՏԵՐԱԶՄԻՑ ԴԵՏՈ

Արդեն հաղորդել ենք, որ օգոստոսի յոթին լրացավ 2008 թվականի օգոստոսյան պատերազմի յոթերորդ տարելիցը: Հնգօյա այդ պատերազմը ծանր հետք թողեց վրաց պետականության, վացական հասարակության, երկրի ողջ բնակչության կյանքում: Պատերազմում հարյուրավոր զոհերի, հազարավոր բռնազաղթվածների, ավերված տասնյակ բնակավայրերի ցավն է՛լ ավելի խորացվեց Ռուսաստանի կողմից ինքնահռչակ Աբխազիայի եւ այսպես կոչված Հարավային Օսեթիայի անկախության ճանաչմամբ: Այդ օրը Վրաստանի նախագահ Գիորգի Սարգվելաշվիլին, վաչապետ Իրակլի Դարիբաշվիլին, երկրի օրենսդիր եւ գործադիր մարմինների ներկայացուցիչներն այցելեցին Թբիլիսիի Մուխաթեվերդիի եղբայական գերեզմանատուն՝ հարգանքի տուրք մատուցելու այնտեղ հուղակավորված պատերազմի զոհերի հիշատակին:



Թբիլիսին հուսով է վերականգնել Վրաստանից անջատված ինքնահռչակ հանրապետությունների հետ երկխոսությունը: Այս մասին հայտարարեց Վրաստանի վարչապետ Իրակլի Դարիբաշվիլին Թբիլիսիի Մուխաթեվերդիի գերեզմանատանը՝ հարգելով 2008թ. օգոստոսի ռուս-վրացական հակամարտության զոհերի հիշատակը:

«Բնականաբար, մենք պետք է շարունակենք Ռուսաստանի հետ խելամիտ քաղաքականություն վարել, բայց միաժամանակ լինել սկզբունքային, քանի որ դրանք մեր տարածքներն են, եւ վրացի ժողովուրդը երբեք չի հաշտվի առանց աբխազների եւ օսերի կյանքին»,- ասաց Իրակլի Դարիբաշվիլին:

«Այսօր Աբխազիայի եւ Ցխինվալիի շրջանի օկուպացիան, բնականաբար, շարունակվում է, եւ մեր կառավարությունը խելամիտ քաղաքականության միջոցով փորձում է կանգնեցնել այդ գործընթացը: Մեզ համար գլխավորը խաղաղությունն ու կայունությունն են: Եթե մենք ուզում ենք վերադարձնել կորցրած տարածքները եւ ապրել մեր աբխազ ու օս եղբայրների հետ, դա պետք է անել խաղաղ բանակցությունների ճանապարհով»,- հայտարարեց վարչապետը:

ՖԻՆԱՆՍՆԵՐ

ՆՈՂԱՐ ԽԱՂՈՒՐԻ. «ՄԵՐ ՊԱՇՏՊԱՆՆԵՐԸ ՏԱՐՎԱԾ ԸՆԹԱՑՔՈՒՄ ԿԳԵՐԱԶԱՆՅՆ ՄԵԿ ՄԻՒՄԱՐԴ ԼԱՐԻՆ»



Անդրադառնալով Ազգային բանկի նախագահ

Վրաստանի ֆինանսների նախարար Նոդար Խաղուրու խոսքերով, պետությունը ոչ մի ազդեցություն չի գործում լարիի փոխանակման կուրսի վրա: «Տարվա ընթացքում մեր պաշարները կգերազանցեն մեկ միլիարդ լարին: Մենք գործում ենք, եւ երբեք բյուջեն նման հավասարաչափորեն չի բաշխվել, բյուջեն ոչ մի ազդեցություն չի գործում լարիի փոխանակման կուրսի վրա»,- հայտարարեց ֆինանսների նախարարը:

Գիորգի Քադագի՝ ձեռնարկությանը, ըստ որի, տարադրամի կուրսը արտաքին ազդեցություններն արդեն վե-

րացվել են, Նոդար Խաղուրին մշեց. «Հուսով եմ, որ Ազգային բանկը կիրականացնի այնպիսի գործողու-

(Շարունակությունը՝ 4-րդ էջում)

ՏԱՐԱԾԱՆԵՐԱՆ

ՀԱՆՐԱՅԻՆ ԾԱՌԱՅՈՒԹՅՈՒՆՆԵՐ՝ ՆԻՆՈՇՄԻՆԴԱՅՈՒՄ ԵՎ ԱՄԴԻՆԶԱՅՈՒՄ

Այսուհետեւ Նինոծմինդայի եւ Ասպինձայի մունիցիպալիտետների բնակիչները եւս կարող են օգտվել հանրային սպասարկումների արագ ու հարմարավետ ծառայություններից:

Նինոծմինդայի եւ Ասպինձայի շրջկենտրոններում գործարկվեցին եւս երկու նոր հանրային ռեեստրի եւ սպասարկումների զարգացման գործակալության տարածքային ծառայություններ: Սպասարկման նոր կենտրոնների բացման արարողությանը ներկա էին Վրաստանի Արդարադատության նախարար Թեա Ծուլուկիանին, պետական սպասարկումների զարգացման գործակալության եւ համ-

րային ռեեստրի ազգային գործակալության ղեկավարներ Շիո Խեցուրիանին ու Պապուկա Ուզրեխելիձեն:

Սպասարկման գրասենյակները հազեցված են արդի համակարգչային տեխնիկայով, գրասենյակային գույքով եւ համացանցով, կարգի է բերվել հաճախորդների ընդունման դահլիճը, նորացվել է ենթակառուցվածքը, ջեռուցման ու օդափո-

(Շարունակությունը՝ 4-րդ էջում)

ԱԲԽԱԶԱԿԱՆ ՊԱՏԵՐԱԶՄԻՑ 23 ՏԱՐԻ ԱՆՉ

Լրացավ Վրաստանի նորագույն պատմության ամենաողբերգական իրադարձություններից մեկի՝ Աբխազական պատերազմի 23-րդ տարելիցը:

Պատերազմը, որը 1992-1993 թվականներին ընթանում էր վրացական կառավարական զորքերի եւ աբխազ անջատողականների միջեւ, տևեց 13 ամիս եւ 13 օր: Անջատողականներն օգտվում էին Ռուսաստանի աջակցությունից, իրենց շարքերը համալրում Հյուսիսային Կովկասից ժամանած զրոհայիններով:



Հակամարտության արդյունքում զոհվեցին հազարավոր զինառայողներ, իսկ տեղի քառորդ միլիոն խաղաղ բնակիչներն ստիպված հեռացան հարազատ վայրերից, դարձան փախստական:

Ետխորհրդային Վրաստանի համար աբխազական հակամարտության արդյունքները ավելի քան ծանր էին: Երկիրը վիթխարի կորուստներ կրեց, նրան ֆինանսական ու հորգեբանական ծանր վնաս հասցվեց: Ռազմական ընդհարումների ասպարեզ դարձած Աբխազիայի տարածքը վերածվեց ավերակների: Եվ այսօր էլ, պատերազմի ավարտից 23 տարի անց դե-ֆակտո Վրաստանից անկախ Աբխազիան կանգնած է սոցիալական եւ տնտեսական լուրջ հիմնախնդիրների առջեւ: Թեպետ Աբխազիայի «անկախությունը» ձեւական է, քանզի այն լրիվությամբ կախված է

Ռուսաստանից եւ ինչպես հենց իրենք՝ աբխազներն են ասում, «Աբխազիան Ռուսաստանի Դաշնության դե-ֆակտո պրոտեկտորատն է»:

Աբխազական պատերազմի 23-րդ տարելիցին. օգոստոսի 14-ին Վրաստանի նախագահ Գիորգի Սարգվելաշվիլին, վարչապետ Իրակլի Դարիբաշվիլին, Վրաստանի գործադիր եւ օրենսդիր մարմինների ներկայացուցիչները եղան Թբիլիսիի Զերոսների հրապարակում: Նրանք ծաղկեպսակներով զարդարեցին հերոսների հուշահամալիրը եւ հարգանքի տուրք մատուցեցին հայրենիքի տարածքային ամբողջականության համար զոհվածների հիշատակին:

ՀԱՄԱՐԱՅՎԱԿԱՆ 6-ՐԴ ԽԱՂԵՐ

ԱԶԴԱՐԱՐՎԵՑ ՀԱՄԱՐԱՅՎԱԿԱՆ ԽԱՂԵՐԻ ՊԱՇՏՈՆԱԿԱՆ ՓԱԿՈՒՄԸ

ՎՐԱՍՏԱՆՉԻ ՄԱՐԶԻԿՆԵՐԻ ԱԿՏԻՎՈՒՄ ԳՐԱՆՉՎԵՅ 8 ՈՍԿԵ, 5 ԱՐԾԱԹԵ ԵՎ 6 ԲՐՈՆՉԵ ՄԵՂԱԼ

Օգոստոսի 13-ին Հայաստանի վարչապետ Հովիկ Աբրահամյանը պաշտոնապես ազդարարեց Համահայկական 6-րդ ամառային խաղերի պաշտոնական փակումը: Փակման արարողությունը անցկացվեց Երեւանի Ազատության հրապարակում:



«Սրտանց շնորհավորում եմ բոլորիս Համահայկական 6-րդ ամառային խաղերը բարձր մակարդակով կազմակերպելու եւ անցկացնելու համար: Անցած 11 օրերի ընթացքում քաղաքամայր Երեւանը դարձել էր ողջ հայության եւ հայ մարզիկների յուրահատուկ հավաքատեղին: Դուք հնարավոր

ություն ունեցաք հաստատել նոր շփումներ՝ ձեռք բերելով նոր ընկերներ:

(Շարունակությունը՝ 7-րդ էջում)

ՄԵՐ ԴԻԱՆԱ ՏՈՒՄԱՆՈՎԱՆ՝ «ՄԻՍՍ ՀԱՄԱՐԱՅՎԱԿԱՆ 6-ՐԴ ԽԱՂԵՐ» ՄՐՅՈՒՅԹԻ ՀԱՂԹՈՂ

«Միսս Համահայկական ամառային 6-րդ խաղեր» զեղեցկության մրցույթին այս տարի մասնակցել են աշխարհի տարբեր քաղաքներից հայրենիք ժամանած շուրջ երկու տասնյակ զեղեցկուհիներ:

Ավանդաբար անցկացվող զեղեցկության մրցույթի մասնակիցները հանդիսատեսին եւ ժյուրիի անդամներին են ներկայացել երկույն զգեստներով եւ պատասխանել տված հարցերին:

«Միսս Համահայկական ամառային 6-րդ խաղեր» տիտղոսին արժանացել է թբիլիսուհի, Ջավախիշվիլու անվան պետհամալսարանի ուսանողուհի, 20-ամյա Դիանա Տունմանովան՝ 116 միավորով: Մեկ միավոր պակաս է ստացել Եգիպտոսի Ալեքսանդրիան ներկա-

յացնող Մերի Հարությունյանը: Երրորդ հորիզոնականը զբաղեցրել է Լուս Անջելեսից ժամանած Լիլիթ Արվալի՝ 112 միավորով:



ՏԱՐԵԼԻՑ

ԴԱԿԻԹ ՈՒՍՈՒՓԱՇՎԻԼԻ. «ՄԵՆՔ ՀՐԱԺԱՐՎԵՅԻՆՔ ՌՈՒՍԱՍՏԱՆԻ ՀԵՏ ՀԱՐԱԲԵՐՈՒԹՅՈՒՆՆԵՐԻ ՀԵՏԱԳԱ ՎԱՏԹԱՐԱՅՈՒՄԻՅ»



Հանրային հեռուստատեսությանը տված հարցազրույցում Վրաստանի խորհրդարանի նախագահ Դավիթ Ուսուփաշվիլին՝ անդրադառնալով վրաց-ռուսական հարաբերությունների թեմային, նշեց, որ իշխանությունը հիմնա-


լի ընկալում է, եթե մենք խիստ կախվածության մեջ լինենք ռուսական շուկայից, ապա դա կլինի հերթական թակարդը. «Վրաստանը չի ընտրել Ռուսաստանի հետ կոնստրուկտիվ հարաբերությունների ուղին, այլ հրաժարվել է հարաբերությունների հետագա վատթարացումից: Դա կարելու է նշանակություն ունի, նոր իշխանությունը որոշ հարցերում երկխոսություն է վարում, դրանով մենք հետապնդում ենք առավել մեծ բարդություններից խուսափելու նպատակ, որը շատ ավելի նշանակալից է, քան որոշակի էական օգուտը»,- հայտարարեց Ուսուփաշվիլին:

2008 ԹՎԱԿԱՆԻ ՊԱՏԵՐԱՅՄԻ ՀԱՐՅՈՎ ՎՐԱՍՏԱՆԸ ՄՊԱՍՈՒՄ Է ՀԱՍՏԱՅԻ ՂԱՏԱՐԱՆԻ ՈՐՈՇՄԱՆԸ

Վրաստանի կառավարությունը սպասում է Հաագայի դատարանի որոշմանը 2008թ.օգոստոսյան պատերազմի առնչությամբ հետաքննության վերաբերյալ: Այս մասին հայտնել է Վրաստանի արդարադատության նախարար Թեա Ճուլուկիանին:

Նախարարն ասաց, որ վրացական կողմը օգոստոսյան պատերազմի վերաբերյալ հսկայական փաթեթ է ուղարկել Հաագայի դատարան եւ այժմ սպասում է որոշմանը: «Հաագայի դատարանը պետք է հաստատի, արդյոք Թբիլիսին բավականաչափ քայլեր ու հետաքննական միջոցառումներ է կատարել, եւ որոշում կայացնի, արդյոք կա անհրաժեշտություն, որ պետք իրենք հետաքննեն գործը:

Դա տեղի կունենա այն ժամանակ, երբ Հաագայի դատարանը որոշում կայացանի, որ սկսած 2008թ.-ից Վրաստանի երկու կառավարությունները անհրաժեշտ քայլեր չեն կատարել գործի հետաքննության համար: «Այդ ժամանակ արդեն իրենք կսկսեն հետաքննությունը: Մենք սպասում ենք նրանց որոշմանը»,- ասաց նա:



ՄԿՐՏԵԼ ԵՆ ՎԱՐՉԱՊԵՏԻ ՈՐՊՈՒՆ



Համայն Վրաստանի Կաթողիկոս-Պատրիարք Իլիա Երկրորդը եւ միլիարդատեր Բիծինա Իվանիշվիլու որդին՝ Բերա Իվանիշվիլին, մկրտել են Վրաստանի վարչապետի երրորդ որդուն:

«Այսօր իմ Գաբրիելը դարձավ քրիստոնյա... Սկրտության խորհրդին մենք հաղորդվել ենք Սուրբ Երրորդության տաճարում: Նրան մկրտել են իմ հարազատ մարդիկ՝ Նորին Սրբություն, Համայն Վրաստանի Կաթողիկոս-Պատրիարք Իլիա Երկրորդը եւ Բերան... Գաբրիելը (վարչապետի որդին) շատ հպարտ կլինի, երբ ծանոթանա նրանց հետ, երբ լսի նրանց...

ՈՒՍՈՒՑԱՆՈՒՄ ԵՆ ՊԵՏԱԿԱՆ ԼԵԶՈՒՆ

Ուսուցիչների մասնագիտական զարգացման կենտրոնի «Վրաց լեզուն ապագա հաջողության համար» ծրագրի շրջանակներում, Կեչ-խորիի ամառային ծամբարում պետական լեզվի ուսուցում է անցնում Վրաստանի ազգային փոքրամասնությունների ներկայացուցիչների երկրորդ հոսքը: Ներկա դրությամբ, դասընթացում ներգրավված են 75 հայ եւ արբեջանցի:

Ամառային ծամբարում սովորողները վրաց լեզվից բացի, ուսումնասիրում են քաղաքացիական օրենսդրությունը եւ ծանոթանում մուլտիմշակութային հարցերին: Բացի այդ, ուսումնական ծրագրում ընդգրկված են նկարչությունն ու կիրառական արվեստը, երգեցողությունը, պարարվեստը, հաղորդակցության ունակություններն ու սպորտը:

Նշենք, որ «Վրաց լեզուն ապագա հաջողության համար» ծրագիրը գործում է ամեն տարի:

ՄԻՋՈՑՆԵՐ՝ ՆԻՆՈՇՄԻՆՊԱՅԻ ՄԱՆԿԱՊԱՐՏԵԶԻ ՎԵՐԱՆՈՐՈՎՄԱՆ ՀԱՄԱՐ

Նինոծմիդրայի քաղաքապետարանում կայացած քննարկումից հետո՝ որոշում է կայացվել ֆինանսական միջոցներ հատկացնել քաղաքի հայկական «Ծիծեռնակ» մանկապարտեզի վերանորոգման աշխատանքների համար: Կհիմնանորոգվի մանկապարտեզի խոհանոցը եւ սանհանգույցը: Ծրագրվում է նաեւ իրականացնել մանկապարտեզի տարածքի պարսպապատման աշխատանք:

ԱՆԱԼՑԻՆԵԻ ՍԱԿՐԵՐՈՒԼՈՅԻ ՆԱԽԱԳԱՅԻ ՀՐԱԺԱՐԱԿԱՆԸ

Օգոստոսի 7-ին Ախալցխայի սակրեբուլոն մունիցիպալիտետի սակրեբուլոյի նիստին նախագահ Կախի Բերիձեի հայտարարեց իր հրաժարականի մասին: Նրա խոսքերով, ինքը տեղափոխվում է աշխատանքի համար Թբիլիսի:

Կախի Բերիձեի հայտարարությամբ, հրաժարականի մասին իր որոշումը պատգամավորների համար անսպասելի չէր, քանի որ Թբիլիսի տեղափոխվելու վերաբերյալ նա տեղեկացրել էր դեռես ապրիլին:

ԷԿՈՆՈՄԻԿԱ

ՀԱՆԴԻՊՈՒՄ ԿՈՄԵՐՑԻՈՆ ԲԱՆԿԵՐԻ ՂԵԿԱՎԱՐՆԵՐԻ ՀԵՏ

Օգոստոսի 10-ին Վրաստանի ֆինանսների նախարարությունում, ազգային տարադրամի արժեզրկման հարցով, հերթական հանդիպումն անցկացվեց երկրի կոմերցիոն բանկերի ղեկավարների հետ:

Հանդիպմանը նախարարության ներկայացուցիչները մասնաժամանակ տեղեկատվություն հաղորդեցին մակրոտնտեսական ընթացիկ պարամետրերի եւ պետական ու համախառն բյուջեի կատարման ընթացքի մասին:

Հանդիպմանը մասնակցեցին ֆինանսների գերատեսչության ղեկավար Նոդար Խադուրին, ֆինանսների փոխնախարարները, ինչպես նաեւ Վրաստանում Արժույթի միջազգային հիմնադրամի մշտական ներկայացուցիչ Ազնի Սարիկովը, Վրաստանի Ազգային բանկի փոխնախագահ Արչիլ Մեստվիրիշվիլին

եւ բիզնեսօմբուդսմեն Գիորգի Գախարիան:

Կոմերցիոն բանկերի ղեկավարները ծանոթացան արտադրական եւ ծրագրված բյուջետային ծախսերի հետ: Ընդգծվեց, որ այս տարի բյուջետային ծախսերը կլինեն առավելագույնս բազմաբնույթ եւ ընթացիկ տարվա օգոստոս-սեպտեմբերին բյուջետային եկամուտները զգալիորեն կգերազանցեն բյուջետային ծախսերին:

Հանդիպմանը քննարկվեցին ինչպես ֆինանսների նախարարության եւ Վրաստանի Ազգային բանկի, այնպես էլ կոմերցի-

ոն բանկերի կանխագծումները, այդ թվում՝ բոլոր այն գործոնները, որոնք ազդում են լարիի փոխարժեքի վրա եւ համաձայնվեցին լարիի կուրսի վրա ազդող բյուջետային պարամետրերի բարելավման միջոցառումների հարցում: Նշվեց, որ 2015 թվականի պետբյուջեի ազդեցությունը դրական է տարադրամային հոսքերի վրա:

Ինչպես հայտարարեցին ֆինանսների գերատեսչությունում, նախարարությունը բյուջետային պակասորդի կանխագծված



ցուցանիշը նվազեցրել է մինչեւ 3 տոկոս, եւ 2016 թվականին էլ այն ավելացնելու մտադրություն չունի:

Նախարարության նախաձեռնությամբ, հանդիպմանն անցկացվեցին նաեւ խորհրդատվություններ՝ արժեքղթերի զարգացման ուղղված միջոցառումների հարցով:

ԻՐԱՎԱԿԱՆ

ԿԱՆԱՔԸ՝ «ՌՈՒՄԹԱՎԻ 2» ՀԵՌՈՒՄՏԱԸՆԿԵՐՈՒԹՅԱՆ ՈՒՆԵՅՎԱԾՔԻ ՎՐԱ



«Մենք կգանգատարկենք դա, եւ դա կլինի լայնընդգրկուն իրավական պատերազմ: Մենք նաեւ այլ մեթոդներ ունենք, որոնք պարտադիր կարգով կօգտագործենք, քանի որ դա ոչ միայն դատավեճ է իրավական տեսանկյունով... Կիճող կողմը ոչ միայն Քիբար Խալվաշ-

Վրաստանի արդարադատության նախարարությունը կալանք է դրել Վրաստանի «Ռուսթավի 2» հեռուստաընկերության ունեցվածքի մի մասի վրա՝ ըստ հեռուստաընկերության նախորդ սեփականատեր Քիբար Խալվաշու հայցի: Այս մասին հայտարարեց «Ռուսթավի 2»-ի գլխավոր տնօրեն Նիկա Գվարամիան:

ին է, վիճող կողմը Վրաստանի իշխանությունն է»,- հայտարարեց Գվարամիան:

Գործարար եւ Վրաստանի պաշտպանության նախկին նախարար Իրակլի Օքրուաշվիլու ընկերը՝ Քիբար Խալվաշին, օգոստոսի 5-ին Թբիլիսիի քաղաքային դատարանում հայց է հարուցել «Ռուսթավի 2»-ից իր բաժնի «ապօրինի բռնագրավման» կապակցությամբ:

Խալվաշին 2005 թվականին տիրում էր «Ռուսթավի 2»-ի 100 տոկոս բաժնին,

իսկ 2005 թվականի դեկտեմբերին 22-տոկոսանոց բաժինը փոխանցել է «Սաքցեմենտի» ընկերությանը (այժմ՝ «Հայդեբեք ցեմենտ Ջորջիա»), որի միանձնյա սեփականատերը Վրաստանի արտաքին գործերի նախարարության նախկին ղեկավար Գելա Բեժուաշվիլու հայրն էր՝ Ռոբերտ Բեժուաշվիլին: 2006 թվականին Խալվաշին մնացած 78 տոկոսը վաճառել է Բիծինա Նիժարաձեի «Ջեո-տրանս» ընկերությանը:

ՎԵՐԱՔՆՆԻՉ ՂԱՏԱՐԱՆԸ ՈՒԺԻ ՄԵՋ ԹՈՂԵՅ՝ ՄԵՐԱՔԻՇՎԻԼՈՒ ՂԱՏԱՎՃԻՈՐ

Թբիլիսիի Վերաքննիչ դատարանն ուժի մեջ է թողել Վրաստանի նախկին վարչապետ Վանո Մերաբիշվիլու գործով դատավճիռը՝ կապված 2006 թվականին ՆԳՎ-ի աշխատակիցների կողմից բանկի աշխատակից Սանդո Գիրգվիանու սպանության հետ:

Այդ մասին նշված է Վրաստանի գլխավոր դատախազության տարածած հայտարարությունում: Դատավճիռը նույնն է մնացել նաեւ Սահմանադրական անվտանգության դեպարտա-

մենտի երկու նախկին բարձրաստիճան պաշտոնյաների՝ Գերոնտիա Ալանիայի ու Վալերիան Մետրեւելու նկատմամբ:

Հիշեցնենք, որ 2014 թվականի հոկտեմբերին Թբիլիսիի քա-

ղաքային դատարանը Մերաբիշվիլուն մեղավոր ճանաչեց իր ծառայողական լիազորությունները չարաշահելու համար եւ նրան դատապարտեց մինչեւ 3 տարվա ազատազրկման, ինչպես նաեւ արգելեց 2 տարի 3 ամիս ժամկետով զբաղեցնել պետական պաշտոններ:

Դատախազության պնդմամբ՝ դատական արդեն երկու ատ-

յաններ հաստատել են, որ Մերաբիշվիլին, հանդիսանալով Վրաստանի ներքին գործերի նախարար, կազմակերպել է Գիրգվիանու սպանության գործի հանցանքների կեղծում եւ քողարկել է այդ հանցագործությանը Սահմանադրական անվտանգության դեպարտամենտի նախկին ղեկավար Դավիթ Ախալաիայի մասնակցությունը:

ՄԻ ՇԱՐՔ ԴԵՂԱՏՆԵՐ ԶՐԿՎԵԼ ԵՆ ՀԱՎԱՍՏԱԳՐԻՅ

Վրաստանի առողջապահության նախարարության տվյալներով, հունվարի 1-ից առանց դեղատոմսի հոգեբուժական դեղորայքի վաճառքի փաստով ձեւակերպվել է 69 վարչական արձանագրություն, 9 դեղատներ զրկվել են հավաստագրից, մյուս դեպքերում՝ սահմանվել են դրամական տուգանքներ:

Սահմանված կարգի համաձայն, առանց դեղատոմսի հոգեբուժական դեղորայքի վաճառքի համար տուգանքը կազմում է 6 հազար լարի, հաջորդ դեպքերում՝ 12 հազար: Եթե միեւնույն դեղատանը խախտումը գրանցվել է տարեկան երեք անգամ, ապա այն

դատարանի որոշմամբ, զրկվում է հավաստագրից:

Ինչպես հայտարարեցին առողջապահության նախարարությունում, գործող օրենսդրությունը դեղատան սեփականատերերին, ովքեր զրկվել են հավաստագ-

րից,

չի արգելում

շարունակել գործարարությունն այլ անվաններով:



Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՏՈՆԱԿԱՏԱՐՈՒԹՅՈՒՆ

ՎՐԱՍՏԱՆԻ ՎԱՐՉԱՊԵՏԸ ԵՎ ԿԱԹՈՂԻԿՈՍ-ՊԱՏՐԻԱՐՔԸ ԲՈՐԺՈՄԻԻ ՇՐՋԱԼՈՒՄ



Տաճարում Կաթողիկոս-Պատրիարքի

ի 800-ամյակի առթիվ շնորհավորեց տեղի

Օգոստոսի 14-ին Վրաստանի վարչապետ Իրակլի Դարիբաշվիլին, Համայն Վրաստանի Կաթողիկոս-Պատրիարք, Սրբազնագույն եւ Երանաշնորհ Իլիա Երկրորդի հետ եղավ Սամցխե-Ջավախեթիում, այցելեց տարածաշրջանի թեմոթե-սուբանիի Աստվածամոր տաճար՝ եկեղեցու 800-ամյա հոբելյանի կապակցու-թյամբ:

հովվապետությամբ մատուցվեց պա- տարագ: Իլիա Երկրորդը իր խոս- քում ընդգծեց Տաճարում վարչա- պետի ներկայության կարեւորությու- նը: Իր հերթին, վարչապետը Տաճա- րի 800-ամյակի առթիվ շնորհավորեց տեղի

բնակչությանը:

Սամցխե-Ջավախեթիում վարչապետի եւ Կաթողիկոս-Պատրիարքի հետ միասին գտն- վում էին Վրաստանի կառավարության ան- դամներն ու Սամցխե-Ջավախեթիի նահան- գապետը:

ԱՐԴԱՐԱՐԱՏՈՒԹՅԱՆ ՆԱԽԱՐԱՐԻ ՀՐԱՄԱՆԸ

ՕՏԱՐԵՐԿՐԱՑԻՆԵՐԻ ԳՐԱՆՑՄԱՆ ԿԱՐԳԸ ՓՈԽՎԵԼ Է

Վրաստանի արդարադատության նախարարը փոխել է օտարերկրացիների եւ Վրաստանի քաղաքացիների համար ժամանակավոր բնակության վայրում գրանց- ման կարգը:

Վրաստանի օրենսդրության համաձայն, գրանցումը պարտադիր է Վրաստանի բո- լոր քաղաքացիների եւ օտարերկրացիներ- ի համար, ովքեր ստացել են վկայական: Գերատեսչության տվյալներով, օգոս- տոսի 13-ից օտարերկրացին, որը ցանկա- նում է ստանալ գրանցում, ըստ ժամանա- կավոր բնակության վայրի, պետք է հան- րային ռեստորի գրասենյակին ներկայաց- նի սեփականատիրոջ գրավոր համաձայ- նությունն ու երկու վկաների հավաստու- մը, ինչպես նաեւ կեցության իր վկայա- կանն ու անձնագիրը: Ընդ որում, վկանե- րը պետք է հաստատեն, որ օտարերկրա- ցին երեք ամսվա ընթացքում ապրել է նշ- յալ բնակտարածքում եւ ապացուցել, որ իրենք իրականում այդ մասին տեղյակ են: Կեղծ տեղեկատվության ներկայացման

դեպքում վկաները կպատժվեն:

«Դա թույլ կտա խուսափել այնպի- սի իրավիճակներից, երբ Վրաստանի քաղաքացին հաճախ կոմունալ ծախ- սերի վճարման կամ ընտրություննե- րից առաջ բացահայտում է իր բնա- կարանում անձանոթ օտարերկրացու գրանցման փաստը», - ասված է գե- րատեսչության հաղորդագրության մեջ:

Նույն կարգը կտարածվի նաեւ Վրաս- տանի այն քաղաքացիների վրա, ովքեր ցան- կանում են գրանցվել իրենց չպատկանող բնակտարածքում: Միայն թե նրանք, կե- ցության վկայականի փոխարեն, պարտա- վոր են ներկայացնել իրենց փաստացի հասցեն հաստատող փաստաթուղթ:

Միաժամանակ, Վրաստանի Արդարա-



դատության նախարարությունը փոխել է նաեւ գրանցումից հանելու կարգը: Ներ- կայումս սեփականատերը պետք է դիմում ներկայացնի գրանցումից հանելու վերա- բերյալ, իր մոտ գրանցված անձանց ցու- ցակն ու կոմունալ հարկերի վճարումը ապացուցող կտրոնը: Նախկինում գրան- ցումից հանելու համար բավական էր եր- կու անձի վկայությունը:

ՀԱՄԱԳՈՐԾԱԿՑՈՒԹՅՈՒՆ

ՎՐԱՍՏԱՆ-ԻՐԱՆ. ԱՊՐԱՆՔԱՆԵՐԶԱՆԱԾՈՒԹՅՈՒՆԸ ԿԱՐՈՂ Է ՏԱՍՆԱԴԱՏԿՎԵԼ

Վրաստանն ու Իրանը տեսնում են երկու երկրների միջեւ առեւտրատնտեսական հարաբերությունների զարգացման մեծ ներուժ, որի կիրառումը կնպաստի նրանց բնակչության եւ տարա- ծաշրջանի բոլոր բնակիչների բարեկեցության բարձրացմանը:

«Վրաստանի եւ Իրանի միջեւ հարաբերություններն ստանում են ինտենսիվ բնույթ, ինչը հա- տուկ նշանակություն ունի եր- կու երկրների համար», - ասված է վրացական խորհրդարանա- կան պատվիրակության կողմից թեմիսում սկսված աշխատան-

քային այցի մասին Վրաստանի խորհրդարանի մամլո ծառայու- թյան հաղորդագրությունում: Պատվիրակությունը ղեկավա- րում է փոխխոսնակ Գուբազ Սա- նիկիձեն:

Այցի առաջին օրը կայացել է հանդիպում պատվիրակության

եւ Իրանի մեջլիսի՝ Վրաստանի հետ բարեկամության խմբի ղե- կավար Հուսեյն Մոայեդ Սադրի եւ խմբի անդամների հետ, որի ընթացքում խոսվել է երկրների միջեւ տարբեր ոլորտներում հա- մագործակցության վիճակի ու զարգացման հեռանկարների մասին:

«Իրանական կողմը կարծում է, որ Իրանի եւ Վրաստանի միջեւ առկա տարեկան 200 միլիոնա- մոց առեւտրաշրջանառությունն

առաջիկա տարիներին կարող է մեծանալ 10 անգամ՝ հասնելով 2 մլրդ դոլարի», - նշվում է հա- ղորդագրությունում:

Մասնավորապես, հանդիպ- ման ժամանակ քննարկվել են նավթի, գազի եւ էլեկտրաէներ- գայի առեւտրի հարցերը, Վրաս- տանի տարածքով դրանց փո- խադրման մեծացման հնարա- վորությունները, ինչպես նաեւ Վրաստանից Իրան ուղղված ջրի մատակարարումները:

ԻՐԱՆԸ ՎՐԱՍՏԱՆԻ ՔԱՂԱՔԱՅԻՆԵՐԻ ՀԱՄԱՐ ԱՅՅԵԳՐԵՐԸ ՎԵՐԱՅՐԵԼ Է



Իրանը վերացրել է մուտքի այցագրերը յոթ պետությունների, այդ թվում Վրաստանի քաղաքացիների հա- մար՝ երկրում զբոսաշրջության ինդուստրիան խթանելու համար:

«Այ- սուհե- տ եւ Լ

այից, Եգիպտոսից եւ Սիրիայից ժամանող զբոսաշրջիկները կա- րող են Իրանում ճանապարհոր- դել առանց այցագրերի», - աս- ված է հաղորդագրության մեջ: Այցեգրային ռեժիմի նոր կա-

նոններին համապատասխան, այդ երկրների քաղաքացիները կարող են առանց այցագրի Իրա- նում գտնվել 15-ից մինչեւ 90 օր:

Զբոսաշրջության զարգա- ման պետական ծրագրի շրջա-

նակներում, Իրանի իշխանու- թյունները նաեւ ուսումնասիրում են եւս 60 պետությունների քա- ղաքացիների համար անայցեգիր ռեժիմի սահմանման հնարավո- րությունը:

ԵՎՐԱԽՆՏԵԳՐՈՒՄ

ԸՆԴՈՒՆՎԵԼ Է ԵՎՐՈՊԱԿԱՆ ՀԱՐԵՎԱՆՈՒԹՅԱՆ ՔԱՂԱՔԱԿԱՆՈՒԹՅԱՆ ՎԵՐԱՆԱՅՄԱՆ ԲԱՆԱԶԵՎ

Եվրոպական խորհրդարանը ծայների ճնշող մեծամասնությամբ (460 կողմ, 61 դեմ եւ 55 ձեռնպահ) ընդունել է Եվրոպական հարեւանության քաղաքականության վերա- նայման մասին բանաձեւը:

Բանաձեւը շեշտում է, որ վերանայված քաղաքականությունը պետք է լինի առավել ռազմավարական եւ ճկուն ու հաշվի առնի յուրաքանչյուր տարածաշրջանի մարտահ- րավերները, միմյանցից տարբերվող ձգտում- ները եւ քաղաքական նպատակները:


Բանաձեւը վկայակոչում է 2015թ. մայի- սի 22-ին Ռիզայի գագաթաժողովում ընդուն- ված իռչակագրի դրույթները, կոչ է անում գործընկեր երկրներին հասնել հակամար-

տությունների բացառապես խաղաղ կար- գավորմանը միջազգային նորմերի եւ սկզ- բունքների հիման վրա:

Եվրոպական խորհրդարանի բանաձեւում ընդգծվում է նաեւ, որ համապարփակ քա- ղաքական ռազմավարությունը պետք է հաշ- վի առնի 1975թ. Հելսինկյան ակտի բոլոր դրույթները, այդ թվում՝ ժողովուրդների հա- վասարության եւ ինքնորոշման իրավունքի սկզբունքը: Հայտնվում է համոզմունք, որ

ԵԱՀԿ-ն, որպես անվտանգության համար պատասխանատու խոշորագույն տարա- ծաշրջանային կազմակերպություն, պետք է շարունակի կարեւոր դերակատարություն ունենալ այս առումով:

Եվրոպական խորհրդարանն այս բա- նաձեւով որդեգրել է հավասարակշռված մո- տեցում՝ հակամարտությունների կարգավոր- ման հարցում եւ, մասնավորապես, քվեար- կությամբ մերժել է բանաձեւի վերջնական տեքստում ընդգրկել նախորդ գումարման խորհրդարանի կողմից ընդունված Կիրիլո- վի զեկույցի վրա նախագծում կատարված հղումը:



ՀՈՒՆԱՍՏԱՆ

ՀԱՄԱԶԱՅՆՈՒԹՅՈՒՆ ՎԱՐԿԱՏՈՒՆԵՐԻ ՀԵՏ

Հունաստանի կառավարությունը եւ միջազ- գային վարկատուները համաձայնության են հասել երրորդ վարկային ծրագրի շուրջ, որը նախատեսված է երեք տարվա համար:

Մասնավորապես, համաձայնություն է ձեռք բերվել երկու հանգուցային թեմաների՝ մասնա- վորեցման մոր հիմնադրամի շուրջ, որը 30 տար- վա ընթացքում կկուտակի 50 միլիարդ եվրո գումարի պետական ակտիվներ եւ բանկային ժամկետանց փոխառությունների հիմնախնդ- րի կարգավորման շուրջ, որոնք հասնում են 90 միլիարդ եվրոյի:

Ավելի վաղ Հունաստանը եւ միջազգային վարկատուների պատվիրակությունների ղեկա- վարները բանակցությունների ընթացքում նախ- նական համաձայնության են հասել երկրի մակ- րոտնտեսական ցուցանիշների բազային սցե- նարի շուրջ:

Հունաստանի խորհրդարանի պատգամա- վորները ողջ գիշերը տեսած քննարկումից հե- տո հավանություն են տվել Եվրամիության օգ- նության մոր, երրորդ փաթեթին, որի արժեքը գնահատվում է 85 մլրդ եվրո:

ԹՈՒՐԷԻԱ

ԿՈՍՒՑԻՈՆ ԿԱՌԱՎԱՐՈՒԹՅՈՒՆ ԶԻ ԿԱԶՄՎԵԼ

Թուրքիայի իշխող «Ադաբություն եւ զար- գացում» եւ քեմալական Հանրապետական ժո- դովրդական կուսակցությունների միջեւ կառա- վարական կոալիցիա չի կազմվի: Այս մասին հայտարարել է Թուրքիայի վարչապետ, իշխող կուսակցության առաջնորդ Ահմեդ Ղալվութ- լուն: Դավութօղլուն հայտնել է նաեւ, որ ամե- նամեծ հավանականությունը վաղաժամ ընտ- րություններն են: Թուրքիայում հունիսի 7-ին անցկացված հերթական խորհրդարանական ընտրություններում ստանալով ընտրողների ձայների 40.8 տոկոսը՝ ԱԶԿ-ին չի հաջողվել մի- անձնյա կառավարություն ձեւավորելու համար անհրաժեշտ պատգամավորական աթոռներ զբաղեցնել խորհրդարանում: Այդ պատճառով Դավութօղլուն մոր կոալիցիոն կառավարու- թյուն ստեղծելու համար սկսել է բանակցել 10 տոկոսի շեմը հաղթահարած բոլոր կուսակցու- թյունների՝ քեմալական Հանրապետական ժո- դովրդական (ՀԺԿ), Ազգայնական շարժում եւ քրդական ժողովուրդների դեմոկրատական (ԺԴԿ) կուսակցությունների հետ: Բանակցու- թյունների ընթացքը բացառեց քրդական կամ ազգայնական կուսակցության հետ կոալիցիա կազմելու հնարավորությունը:

ԶԻՆԱՍՏԱՆ

ՊԱՅԹՅՈՒՆ ՆԱԿԱՐԱՆԱԿՍԱՅԻՆ ՔԱՂԱՔՈՒՄ

Օգոստոսի 12-ին տեղական ժամանակով ժամը 23:30-ին, Չինաստանի Բիյանհայի շրջա- նում երկու հզոր պայթյուն է որոտացել Ruihai Logistics լոգիստիկական ընկերության պահես- տում, որտեղ պահվում էին վտանգավոր նյու- թեր: Պայթյուններն այնպիսի ուժգնություն են ունեցել, որ դրանք գրանցել է տեղի սեյսմոլո- գիական ծառայությունը: Դրանց հզորությունը կազմել է 3 եւ 21 տոննա տրոտիլին համար- ժեք: Պայթյունի զոհերի թիվը հասել է 50-ի, եւս 700 մարդ հոսպիտալացվել է տարբեր վնաս- վածքներով, նրանցից 71-ը օրիասական վիճա- կում են: Զոհվածներից 12-ը հրշեջներ են, պա- տահարի վայրում աշխատող եւս շուրջ 36 հր- շեջներ անհետ կորած են համարվում:

Քիմիական նյութերով բունավորվելու վտան- գի կապակցությամբ Պեկինից հրդեհի մարման վայր են ժամանել քիմիական պաշտպանու- թյան գծով փորձագետներ:

Պատահարի վայրից 500 մետր հեռավորու- թյան վրա ծծմբի օքսիդի, ածխածնի մոնօքսի- դի եւ ազոտի օքսիդի բարձր պարունակություն է գրանցվել:

ՖԻՆԱՆՍՆԵՐ

ՆՈՂԱՐ ԽԱՂՈՒՐԻ. «ՄԵՐ ՊԱՇՏՈՐՆԵՐԸ ՏԱՐՎԱ ԸՆԹԱՅՔՈՒՄ ԿԳԵՐԱԶԱՆՅՆՆԵՐ ՄԵԿ ՄԻՒԽԱՐԴ ԼԱՐԻՆ»

(Սկիզբը՝ 1-ին էջում)

թյուններ, որոնք կնպաստեն մի կողմից հուսալի սպասումների ձեւակերպմանը, մյուս կողմից՝ բյուջեի միջոցների ծախսման նվազեցմանը», - հայտարարեց խաղուրինը:

Ներկայացնելով ընթացիկ տարվա բյուջեի կատարման վերլուծությունը, Նոդար Խաղուրինը նշեց, որ իրենք արդեն գործում են հաջորդ տարվա բյուջեի պարամետրերի հստակեցման ուղղությամբ: «Հարկ է նշել, որ ընթացիկ տարվա բյուջեն աչքի է ընկնում հատուկ ծախսման միտմամբ: Մենք համեմատեցինք 2009 թվականի բյուջեների եկամուտները, հարկերն ու պակասորդը: Եթե 2009 թվականին պակասորդը գերազանցեց 9 տոկոսը, ապա դրանից հետո այն սկսեց նվազել: Սակայն ձեզ հայտնի իրադարձությունների արդյունքում այս տարի մեզ մոտ գրանցվեց բյուջեի 3 տոկոսանոց պակասորդ: Եկամուտները կկազմեն 10 միլիարդ 665 միլիոն, իսկ հարկերից կստացվի 10 միլիարդ 160 միլիոն լարի: Ընթացիկ տարվա յոթ ամսվա մուտքերը զգալիորեն գերազանցել են նախորդ տարվա նույն ժամանակամիջոցի ցուցանիշը: Առաջընթաց է գրանցվել նաեւ հարկերի կուտակ-

ման ուղղությամբ: Ընթացիկ տարվա առաջին եւ երկրորդ եռամսյակներում երկրում գրանցվեցին բյուջետային ամենամեծ ծախսերը: Դա կրկին անգամ հավաստում է, որ տարվա երկրորդ կեսին պետք է բյուջեի կողմից մակրոտնտեսական բեռնվածություններ, այդ թվում նաեւ լարի փոխանակման կուրսի վրա ազդեցություններ չեն լինի»,- նշեց խաղուրինը:

Անդրադառնալով Ռուսաստանի նկատմամբ եվրամիության կողմից սահմանված պատժամիջոցներին, Վրաստանի մասնակցության հարցին, ֆինանսների նախարարը նշեց, որ Վրաստանն ամեն ինչ պետք է անի Ռուսաստանի եւ նախկին խորհրդային Միության երկրների շուկաների յուրացման համար:

«Մեր կառավարության ծառայությունը նրանում է, որ Վրաստանին ընձեռվել է հնարավորություն՝ միեւնոյն հաջողությամբ գործել բոլոր շուկաներում՝ եվրամիությունում, որի հետ ունենք խոր եւ համընդգրկուն առևտրի մասին համաձայնագիր: Գործել նաեւ Հինաստանի շուկայում, որի հետ ձեւակերպել ենք հետաքրքիր նախագծեր: Մենք չունենք շուկաների ընտրության շքեղություն», - ընդգծեց ֆինանսների նախարարը:

ՏԱՐԱԾԱՇՐՋԱՆ

ՀԱՆՐԱՅԻՆ ԾԱՌԱՅՈՒԹՅՈՒՆՆԵՐ՝ ՆԻՆՈՇՄԻՆԴԱՅՈՒՄ ԵՎ ԱՄՊԻՆՁԱՅՈՒՄ

(Սկիզբը՝ 1-ին էջում)

խանակման համակարգերը, նորացված գրասենյակներում տեղակայված են էլեկտրոնային բոլոր ծրագրերը, ինչը տեղի բնակիչներին հնարավորություն է ընձեռում արագ ոյություններ եւ հարմարավետ օգտվել հանրային ռեսուրսի ու սպասարկումների զարգացման գործակալության երկու հարյուրից ավելի սպասարկումներից:

Վերականգնված տարածքային գրասենյակները բացվել են Նինոծմինդայի Պուշկինի փողոցի թիվ 43-ում եւ Ասպինձայի Վարժայի փողոցի թիվ 117-ում:

Հիշեցնենք, որ պետական սպա-

սարկումների մատչելիության ապահովումը Վրաստանի Արդարադատության նախարարության գործունեության առաջնահերթային ուղղություններից մեկն է: Ինչպես հայտարարեց Արդարադատության նախարար Թեա Ծուլուկիանին, հանրային սպասարկումները պետք է մատչելի լինեն Վրաստանի բոլոր քաղաքների ու գյուղերի բնակիչների համար: Այդ նպատակով խոշոր քա-



ղաքներում բացվում են արդարադատության տներ, իսկ շրջակայքում գործող հեռու ավաններում ու գյուղերում՝ հասարակական կենտրոններ:

ԶԱՎԱՍԽԵԹԻ ՏՈՒՐԻՍՏԱԿԱՆ ԵՆԹԱԿԱՌՈՒՅՈՒՆ ԿՖԻՆԱՆՍԱՎՈՐՎԻ



Համաշխարհային բանկը Վրաստանի համար արտոնյալ ֆինանսական ռեսուրս է հատկացրել 60 մլն դոլարի չափով: Համապատասխան պայմանագիրն ստորագրել են Վրաստանի ֆինանսների նախարար Նոդար Խաղուրինը եւ Վրաստանում ՀԲ-ի գրասենյակի ղեկավարի ժամանակավոր պաշտոնակատար Իոսիֆ Մելիտաուրինը:

Նա - խա գ ծ ի նպատակը ենթակառուցվածքային ծառայությունների ու ինստիտուցիոնալ հնարավորությունների զարգացումն է Սամցխե Ջավախեթի եւ Սցխեթ-Մթիանեթի տարածաշրջանների տնտեսության մեջ զբոսաշրջության ավանդի աճին աջակցելու նպատակով: Երրորդ տարածաշրջանային նախագծի համար հատկացված միջոցները կստացվեն Վերականգնման ու զարգացման միջազգային բանկի (IBRD) միջոցով:

Նախագիծը բաղկացած է երկու մասից. քաղաքների անվանումների վերականգնումն ու տուրիստական երթուղիների մշակումը, հասարակական ու տուրիստական ենթակառուցվածքի ապահովումը մասնավոր ներդրումների ներգրավման համար եւ ինստիտուցիոնալ զարգացումը:

Սա Համաշխարհային բանկի կողմից հաստատված տարածաշրջանային զարգացման երրորդ նախագիծն է Վրաստանի համար:

Առաջին նախագիծը, որը նախատեսված է Կախեթի տարածաշրջանի համար, ՀԲ-ի կողմից հաստատվել է 2012 թվականի մարտին:

Վերականգնման եւ զարգացման միջազգային բանկի միջոցով նախագծի համար հատկացվել է 60 մլն դոլար: Երկրորդ նախագիծը, որն իրացվել է Իմերեթի տարածաշրջանում (Արեւմտյան Վրաստան), ՀԲ-ի կողմից հաստատվել է 2012 թվականի նոյեմբերին, որի համար IBRD-ի միջոցով հատկացվել է 30 մլն դոլար:

1992 թվականից ի վեր Համաշխարհային բանկի կողմից Վրաստանին հատկացված ընդհանուր գումարը կազմում է 2,39 միլիարդ դոլար:

*Պատրաստեց՝
ԱՐԵՎԻԿԱ ՄԱՆՈՒԿՅԱՆԸ*

ԸՆՈՐՉԱՎՈՐՈՒՄ ԵՆՔ



Այս օրերին, Թբիլիսիի տպարաններից մեկում, ծնվեց բանաստեղծուհու 8-րդ՝ «Անկեղծ խոսքի ուժը» չափածո ժողովածուն, ինչը, նախախնամությամբ կամքով, զուգահեռաբար նրա ծննդյան 60-ամյակին, որը լրանում է այսօր՝ օգոստոսի 15-ին:

Տարբեր ժողովուրդների գրական մշակույթներում, սովորաբար, կին բանաստեղծները, մշտապես սակավ լինելով, գրական դաշտում անմիջապես նկատվել եւ ընդունվել են առանձնահատուկ սպասումներով: Բացառություն չկազմեց նաեւ Մարինա Կիրակոսյանը: «Իմ աղոթքներ» բրոշյուրին հաջորդած նրա՝ «Ինչի մասին կարելի է ասել աշխարհին», «Կյանքը եւ մոսան», «Սրտի ուղեծիր» եւ մյուս ժողովածուները, որոնցում ամփոփված է բանաստեղծուհու բազմաժանր պոեզիան՝ բանաստեղծություններ, քառյակներ, առակներ, բալլադներ... իրեն համար իսկ անսպասելի, գտավ բուն արձագանք:

Վարձատրված մարդու անհավակնոտ ու պարզասիրտ ուրախությամբ՝ Մարինան մեզ ծանոթացրեց՝ 2003-ին, Մոսկվայի «Մենեջեր» իրատարակչության լույս ընծայած «Հայաստանը պոետների սրտերում» ընտրանում (խմբագիր՝ պրոֆ. Ս.Խաչատրյան), ուր հայ եւ այլազգի դասականներ թունամյա-

ՄԱՐԻՆԱ ԿԻՐԱԿՈՍՅԱՆ. «ԼՈՐԿԱՆ ԱՄԵԼ Է, ԱՄԵՆԱՄԵԾ ԵՎ ՏԽՈՒՐ ՈՒՐԱԽՈՒԹՅՈՒՆԸ ԲԱՆԱՄՏԵՂԾ ԼԻՆԵՆ Է»

նի, Իսահակյանի, Չարենցի, Կապուտիկյանի, Բրյուսովի, Գորոդեցկու, Գամզատովի եւ այլոց՝ Հայաստանին նվիրված բանաստեղծությունների շարքում, տեղ էր տրվել նաեւ Մարինա Կիրակոսյանին... Մարինայի բանաստեղծությունները տպագրվել են հայաստանյան մի շարք ռուսալեզու թերթերում: Արժանացել՝ Հայաստանի մշակույթի նախարարության դիպլոմների, շնորհակալագրերի, ռուսական «Միր» հեռուստաընկերության մրցակաբաշխության դիպլոմին: Մարինան սիրով հայերենից ռուսերեն է թարգմանում ժամանակակից հայ հեղինակների, նա ակտիվորեն մասնակցում է նաեւ Վրաստանի՝ ռուսական, հրեական ու այլ համայնքների մշակութային կյանքին, որի վկայությունն է՝ դրանց մշակութային կազմակերպություններին նրա անդամակցությունը:

Մարինա Կիրակոսյանի պոեզիայի բովանդակությունը ճշմարտությունն է: Կյանքի ուրախություններն ու տխրություններն, նրա անկատարելության ու այն ավելի լավ տեսնելու մարդկային կարոտների մասին նրա բանաստեղծական խոհերը տարբերվում են իմաստով, բայց նույն են իրենց ոգեղեն՝ ազդեցությամբ,- նրանք ընթերցողին ոգեշնչում, ամոքում ու վերածնունդ են...

Մենք հանդիպեցինք Մարինային, «Վրաստան» թերթի անունից շնորհավորեցինք նրա փոքրիկ հոբելյանը, եւ սկսեցինք մեր հացագրույցը նրա հետ:

- **Մարինա, մեզ՝ ընթերցողներին համար, պոեզիան հաճելի զբաղմունք է, իսկ ի՞նչ է այն Ձեզ՝ այդ պոեզիան ստեղծողների համար:**

- Ֆրեդերիկո Գարսիա Լորկայի խոսքով ասած՝ «Ամենամեծ եւ տխուր ուրախությունը կյանքում բանաստեղծ լինելն է, մնացածը ոչինչ է, նույնիսկ՝ մահը...»: Կոնկրետ իմ դեպքում՝ կասեի, որ կյանքիս ծանր պահերին Աստված ինձ տվեց ուղեմիշ աստղ, որը լուսավորեց այլեւս անթափանց թվա-

ցող խավարը: Ինձ համար պոեզիան հենց այդ աստղն է...

- **Պուք գրում եք մարդկային բարոյականության եւ նրանից բխող բարձր հատկանիշների մասին... Մենք գիտենք, որ Ձեր կին-ընթերցողները բողոքել են Ձեզ, որ չեք գրում սիրո մասին...**

- Այո, դա «Իմ աղոթքները» բրոշյուրից անմիջապես հետո էր: Կարծես խոսքերը մեկ արած, կամայք ինձ զանգում եւ բողոքում էին. «Ի՞նչ է, Պուք կին չե՞ք, ամեն ինչի մասին գրում եք, բացի սիրուց...»: Իհարկե, նրանք ճիշտ էին: Դրանից հետո՝ իմ բոլոր գրքերում, պարտադիր կերպով, եղավ, կա ու կլինի Սիրո թեման...

- **Ի՞նչն է ամենադժվարը բանաստեղծի «աշխատանքում»:**

- Ես, սովորաբար, գրում եմ առավոտյան, երբ, այսպես ասած, միայն ես եմ ու իմ մտքերը, որոնք մեկ շնչով, էքսպրոմտ հանձնվում են թղթին... Այդ աշխատանքը չի կատարվում աստիճանաբար: Մեկ անգամ փորձեցի գրելուց հետո մշակել, հղկել, խմբագրել, ինչպես սովորաբար ընդունված է: Երկար տանջվելուց հետո՝ ընտրությունը շահեց առաջին՝ էքսպրոմտ տարբերակը, որն իմ հոգուց բխել էր Աստծո թելադրանքով... Թող անհամեստ չհնչի, բայց ինձ համար, այս հարցում, դժվարությունը ոչ թե գրելն է, այլ՝ այն տպագրելու եւ ընթերցողին հասցնելու ֆինանսներ ես գցելը...

- **Իսկ տնային ո՞ր գործերը չեք սիրում անել:**

- Սիրում եմ ե՛ւ պատրաստել, ե՛ւ հավաքել, բայց դա երբեմն ծանրաբեռնում է, քանի որ խլում է իմ սիրելի գործերով զբաղվելու ժամանակը... այդուհանդերձ, ես դրանք անում եմ, որովհետեւ պարտավոր եմ կատարել իմ մայրական, դստեր ու ամուսնու պարտականությունները:

- **Դժվար չէ՞ մտածել ռուսերեն, բայց գրել հայկական թեմաներով:**

- Ոչ:

- **Ձեր կյանքի՝ ամենաբարի ու ամենաչար գործերը:**

- Ամենաբարի գործը, իմ կարծիքով, իմ պոեզիան է, իսկ՝ ամենաչա՞րը... Չարը հաստատ չեմ անի, բայց կարող է, պարզապես, չսիրեմ, բամբասեմ:

- **Իսկ ինչպե՞ս եք պայքարում չարի դեմ:**

- Ես չարին թեւաթափում եմ բարությանը:

- **Ըստ Մարինա Կիրակոսյանի՝ ի՞նչ է հայրենասիրությունը:**

- Հայրենասիրությունը, երեւի, հայրենիքին որեւէ կերպ օգտակար լինելու, նրան օգուտ բերելու քո ցանկությունն է ու՝ գործը: Ես ինձ համարում եմ, իմիջիայլոց, ինչպես բոլոր վիրահայերը, Վրաստանի եւ Հայաստանի հայրենասեր:

- **Ինչի՞նչ է այսօր ձգտում ընթերցողի կողմից սիրված ու պահանջված բանաստեղծ Մարինա Կիրակոսյանը, ով նաեւ սիրված դուստր, մայր ու ամուսին է:**

- ...Որ կարողանամ ստեղծել ընթերցողին սրտամոտ, նրա կյանքը թեթեւացնող պոեզիա... որ դուստրս գտնի իր բաժին երջանկությունը, լինի օգտակար մարդ... որ հնարավորինս երկարացնեմ մայրիկիս կյանքը, որովհետեւ քանի նա կա, ես երիտասարդ ու երջանիկ եմ... որ կարողանամ մնալ հոգատար ամուսին, նվիրված կողակից:

- **Ձեր ծննդյան օրը ո՞վ կուզենայիք լիներ առաջին շնորհավորողը:**

- Մայրս...

- **Ընդունեք նաեւ մեր՝ «Վրաստան» թերթի աշխատակազմի, նրա բազմահազար ընթերցողների ջերմ շնորհավորանքները: Ձեզ՝ քաջառողջություն, անձնական երջանկություն, երկա՞ր կյանք եւ՝ մոր շունչ՝ ընթերցողին հոգու խաղաղություն պարգևող Ձեր պոեզիային:**

Չրուցեց ՋՈՒԼԻԵՏԱ ԲԱՂԱՅԱՆԸ